



Universitätsbibliothek Paderborn

**Ioannis Malderi Episcopi Antverpiensis S. Th. quondam
Louanij Professoris Tractatvs De Sigillo Confessionis
Sacramentalis**

Malderen, Jan van

Antverpiæ

Capvt XVI. An celanda etiam illa quæ de aliorum peccatis pœnitens in
Confessione aperit.

urn:nbn:de:hbz:466:1-41093

150 IO. MALDERI TRACTATVS
virtute talis mutilæ siue imperfectæ forma-
liter Confessionis, qui cùm adhuc sensu &
loquela polleret, Parocco dixit hæc sola ver-
ba: Doleo de peccatis meis, quæso ab illis
me absoluie in fine vitæ meæ. Cùm enim
potuerit integrè & speciatim peccata sua Sa-
cramentaliter confiteri, id neglexit, sed mu-
tilatè solùm & generatim est confessus.

At quæres, Quare quilibet fidelis non po-
test Sacramentaliter absolui, repetendo ab-
solutionem super Cōfessione quam ultimè
fecit, præsertim si eidem Sacerdoti sit con-
fessus, & ab eo absolutus. Respondeo: Quia
in nullo Sacramento potest forma cadere
sæpiùs super eadem materia proxima, sicut
non potest eadem hostia consecrata iterum
cōsecrari. Ita post Medinam Suarez Tom. 4.
disp. 18. sectione 1. num. 7.

C A P V T X V I .

*An celanda etiam illa quæ de aliorum pe-
ccatis pœnitens in Confessione aperit.*

CONTINGIT frequenter à simplicio-
ribus pœnitentibus aliorum peccata a-
periri in Confessione, idque sine necessitate
ulla. Frequenter etiam id contingit culpa
Confessorum, qui tales monere deberent
non esse Confessionem officinam detractio-

num,

num, sed humilem sui ipsius accusationem. Reprehendendi, qui secundum veterem hominem querendo excusationem in peccatis, peccatorum suorum instituunt Confessionem, & non simpliciter dicunt, Comedi de ligno vetito ; sed aliorum peccato inuoluentes suum, & quasi excusantes, dicunt, *Mulier, quam dedisti mihi sociam, dedit mihi de ligno, & comedì.* Offerunt isti non vitulum labiorum suorum Domino, sed vulpem, dum peccatum suum excusant per ase in Confessione per aliorum peccata excusat. *Vulpem offerunt, quae in Confessione per aliorum peccata excusat.*

*Serm. 1. in consecratione Pontificis. Disputat D. Bonaventura in 4. d. 21. vtrum in Confessione liceat alterius peccata referre; multumque improbat, si in excusationem sui aliorum peccata sine alia necessitate referantur; meritoque monet, Confessarios debere tales corripere, cum aliena peccata non sint in Confessione dicenda, nisi quatenus sunt propria. Et reprehendens Confessarios talia libenter audientes, aut etiam inquirentes, inter alia dicit: *Confessores qui ruminculos in Confessionibus inquirunt, & audiunt de aliis malum, & sustinent; vix aut numquam à peccato detractionis excusari possunt, & nesciunt mederi animabus, dum patientur eos qui veniunt ad medicinam, alios accusando sibi infligere vulnus graue.* Neque*

K 4

enim

152 IO. MALDERI TRACTATUS
enim est eadem ratio in proposito quæ est
Confessionis quæ sit soli Deo; ubi etiam pa-
rentum aut populi peccata confiteri licet,
exemplo Sanctorum: Dan. 9. Nehemia 1.
in Confessione enim Sacramentali nemi-
nem debet pœnitens cum detectione perso-
nae accusare, nisi seipsum. Contritio itaque
& satisfactio etiam ad aliena peccata se ex-
tendunt, de quibus dolemus, & quibus de-
lendis quoad pœnam satisfactiones aut sa-
tisfactoria nostra opera applicamus; sed
Confessio similiter ex charitate non fit de
peccatis alienis. Cum enim pœnitens non
teneatur proprium nomen Confessori suo
dicere; æquum est, ut nec teneatur nec pos-
sit in alienæ famæ præiudicium, cuius non
est dominus, tertij nomen indicare, cum
eius infamia non perinde ipsi aliquo spiri-
tuali bono compensetur, ac pœnitenti com-
pensaretur propriæ famæ detrimentum. Ad
de, quod odiosius sit Confessioni, si per eam
prodatur tertia persona, quam si oporteat
suam quemque dum confitetur nominatim
aperire personam.

*Aliena
peccata de-
recta in Cō-
fessione, Sa-
cerdos celā-
re debet.*

Quæritur, an ita facta Confessione ut et
iam alterius peccatum simul sit narratum,
illud sub Sigillum cadat. De peccato com-
plicis sequenti Capite dicam. Nunc de aliis
inquirimus, quæ vel per modum querele,
vel



vel alia occasione, vel ex solo studio ea narrandi in Confessione deteguntur. Vbi in primis non potest esse dubium, quin Sigillo comprehendantur omnia aliorum peccata, quæ ita cum suo peccato pœnitens exprimit, ut connexionem aliquam cum illo habeant, ob quam putauit ea esse narranda. Exempli causa: Adultera narrat se male à marito fuisse exceptam, ideoque in adulterium lapsam esse: non est dubium quin peccatum mariti Sigillo contineatur. Si vero omnino concomitanter narrata sint, sciat Sacerdos male se fecisse eiusmodi narrationem admittendo, peius autem facturum imprudenter & sine magna causa de illis postea loquendo: quamuis enim sub Sigillum non cadant, naturali tamen Secreto continentur, eo etiam accedente, quod eorum reuelatio redundaret in odium Confessionis & scandalum; præsertim cum proclue sit hominibus suspicari, non nisi ad Confessionem pertinentia in Confessione esse dicta, & forte iam rescitum sit tempore Confessionis talia dicta esse Sacerdoti. Addo, ne quidem ex consensu pœnitentis posse Confessorem illa aliorum peccata secreta in Confessione detecta reuelare, cum pœnitens non sit dominus famæ sui proximi. Imò consensu suo non faceret, ut odium,

K 5 quod

quod Sacramento conflatur ex hac reuelatione, omnino cessaret; sicuti fit quando in proprij peccati reuelationem consentit. Ad hæc si concomitanter se habet peccatum proximi in tua Confessione, ita ut Sacerdoti illud æquè liceat reuelare, ac si extra Confessionem detexisses, non est quod Secreti causa Confessionem obtendas, quasi, ut ipse

Correptionis inutilis est reuelatio peccati alterius in Confessione. corripiatur, secretò reuelans. Si minus liceat reuelare in Confessione quam extra eam auditum, ineptum mediū sumis ad corripiendum proximum, relicto aptiori, quando in Confessione aperis eius peccatum.

Denique cum, pro dolor! non desint Sacerdotes impij, quam erit absurdum, si Sacerdos aliquem denigrans dicere possit sibi in Confessione ab altero quodam eiusmodi peccatum eius esse detectum? Consideratione dignum, quam grauiter hoc genere detractionis peccetur. Cum enim, ut infra videbimus, aliquando etiam cum detrimento integritatis Confessionis liceat, imo oporteat silere peccatum alterius, ne ipse detrimentum patiatur; quam longissime à charitatis regula declinant, qui etiam cum Sacramenti sacrilega violatione, proximorum peccata narrant sine necessitate, in Confessione.

Docendi potius sunt pœnitentes à Confessa-

fessariis, quando non mutat speciem, aut non multum aggrauat, tacendam esse cul-
pam proximi. Quando autem mutat spe- *Quomodo*
ciem, aut multum aggrauat, generatim qui- *proximi*
dem dicendum cum quali persona pecca- *peccatum*
uerint, sed non esse detegendam particula- *tētē sit*
rem personam, circa quam peccatum est. *memoran-*
dum confi-
tenti.

Nedicat, exempli causa, confitens, Detraxi
Petro, detegendo eius adulterium occultum
cum Paula; sed, Detraxi cuidam viro de
adulterio occulto: alioqui detrahit de nouo,
confitendo detractionem; & talem audiens
sine reprehensione, particeps fit damnatio-
nis, communicans peccatis alienis. Confes- *Non fiant*
monitiones
sarij etiam non moneant pœnitentes, vt vi- *aliis etiam*
tent personas quarum peccata audiuerunt *ex concomi-*
narrari per modum querelæ, aut aliter à *tanter so-*
prioribus confitentibus, in ipsa Confessio- *lum narra-*
ne. Præstat extra Confessionem hauriri e- *tis in Con-*
iusmodi notitiam, & ea ad cautelam alio- *fessione.*
rum vti, ne talibus grauetur Confessio.

Quæres, an ergo secretum peccatum Pe-
tri non liceat Paulo in Confessione Confes-
sario Petri reuelare, vt eius saluti melius
consulat. Respondeo: Rectè dicit Adrianus
in 4. consilia intelligi saluis præceptis. Cùm
itaque hoc secretum naturale ex præcepto
teneatur Paulus seruare, non benè facit con-
silio iuandi Petrum illud prodendo, quan-
do

156 IO. MALDERI TRACTATUS,
do tantum quædam id suader utilitas sine
necessitate. Salutaris etiam est regula, non
oportere nec posse Confessarium à pœni-
tentè exigere, quod ipse pœnitens non te-
netur præstare. Non ergo petat in Confes-
sione detectionem tertiae personæ, quæ hoc
aut illud peccatum admisit, suasit aut pro-
curauit: & etiamsi fortè iam à pœnitente
detecta sit, non petat consensum eam ul-
tiùs extra Confessionem reuelandi; non e-
nim tenetur eum pœnitens dare: & etiam
tali licentia obtenta (quam fortè putauit se
debere concedere confitens) non potest
Confessor ut, ut dicemus Capite sequenti.

C A P V T XVII.

*An complicis peccatum cadat sub
Sigillum.*

NON h̄c propriè inquiritur, an com-
plicem teneatur pœnitens in Confes-
sione exprimere; sed solum, an quando ex-
pressit, Sacerdos teneatur tamquam Secre-
tum Confessionis illud celare. Duo tamen
h̄c ad propositum nostrum præmitti po-
sunt dubia. Vnum illud ipsum, an possit,
aut etiam teneatur pœnitens complicem re-
uelare in Confessione. Alterum, an quan-
do confitens est Sacerdos, & peccatum au-
diendo